

**Ministarstvo za obrazovanje, nauku i mlade**

Na osnovu člana 66. Zakona o visokom obrazovanju ("Službene novine Kantona Sarajevo", broj 42/13 - Prečišćeni tekst), člana 6. Pravilnika o sticanju i korištenju akademskih titula, naučnih i stručnih zvanja na visokoškolskim ustanovama u Kantonu Sarajevo ("Službene novine Kantona Sarajevo", broj 34/08), ministar za obrazovanje, nauku i mlade Kantona Sarajevo donosi

**PRAVILNIK****O STICANJU I KORIŠTENJU AKADEMSKIH TITULA, STRUČNIH I NAUČNIH ZVANJA NA PODRUČJU KANTONA SARAJEVO ZA STUDIJ MEDICINE, VETERINE, STOMATOLOGIJE, FARMACIJE I ZDRAVSTVA****Član 1.**  
(Sadržaj)

Ovim Pravilnikom reguliše se način sticanja i korištenja akademskih titula, stručnih i naučnih zvanja za studij medicine, veterine, stomatologije, farmacije i zdravstva na području Kantona Sarajevo.

**Član 2.**

(Sticanje prava na akademsku titulu i zvanje)

- (1) Integrisani studij (prvi i drugi ciklus studija) i treći ciklus studija medicine, veterine, stomatologije i farmacije te prvi, drugi i treći ciklus studija zdravstva završava se uspješnim izvršenjem svih obaveza utvrđenih studijskim programom.
- (2) Za svaki ciklus studija utvrđen je broj studijskih bodova (E)CTS čijim ostvarenjem se stiče pravo na korištenje određene akademske titule, stručnog i naučnog zvanja.

**Član 3.**

(Ciklusi studija)

- (1) Završetkom integrisanog studija (prvi i drugi ciklus studija) medicine, veterine, stomatologije i farmacije, koji se vrednuje sa najmanje 300 odnosno najviše 360 (E)CTS studijskih bodova, stiče se akademska titula i zvanje magistar ili doktor za određenu stručnu oblast, uz oznaku usmjerenja ukoliko postoji shodno nastavnom planu i programu.

Završetkom prvog ciklusa studija zdravstva u trajanju od najmanje četiri studijske godine, koji se vrednuje sa 240 (E)CTS studijskih bodova, stiče se akademska titula i stručno zvanje bakalaureat/bachelor za određenu stručnu oblast, uz oznaku usmjerenja ukoliko postoji shodno nastavnom planu i programu.

- (3) Završetkom drugog ciklusa studija zdravstva u trajanju od jedne studijske godine, koji se vrednuje sa 60 (E)CTS studijskih bodova, što sa prvim ciklusom studija ukupno iznosi 300 (E)CTS studijskih bodova, stiče se akademska titula i zvanje magistar za određenu stručnu oblast, uz oznaku usmjerenja ukoliko postoji shodno nastavnom planu i programu.
- (4) Završetkom trećeg ciklusa studija medicine, veterine, stomatologije, farmacije i zdravstva u trajanju od tri studijske godine, koji se vrednuje sa 180 (E)CTS studijskih bodova, stiče se akademska titula i naučno zvanje doktor za određenu naučnu oblast, uz oznaku usmjerenja ukoliko postoji shodno nastavnom planu i programu.

**Član 4.**

(Javne isprave)

Stečene akademske titule, stručna i naučna zvanja unose se u javne isprave koje izdaje visokoškolska ustanova kao što su: diploma, dodatak diplomu i uvjerenje o završenom ciklusu studija.

**Član 5.**

(Upotreba skraćenica)

- (1) Skraćenice akademskih titula, stručnih i naučnih zvanja za studij medicine, veterine, stomatologije, farmacije i zdravstva stavljaju se iza odnosno ispred imena i prezimena lica koje ga je steklo, na sljedeći način:
  - a) za integrisani studij: Magistar - označava se sa "Mr" uz naznaku stručne oblasti; Doktor - označava se sa "Dr" uz naznaku stručne oblasti i usmjerenja ukoliko postoji shodno nastavnom planu i programu;
  - b) za prvi ciklus studija zdravstva: Bakalaureat/Bachelor - označava se sa "BA" uz naznaku stručne oblasti i usmjerenja ukoliko postoji shodno nastavnom planu i programu;
  - c) za drugi ciklus studija zdravstva: Magistar - označava se sa "Mr" uz naznaku stručne oblasti i usmjerenja ukoliko postoji shodno nastavnom planu i programu;
  - d) za treći ciklus studija: Doktor nauka - označava se sa "Dr. sci" uz naznaku naučne oblasti i usmjerenja ukoliko postoji shodno nastavnom planu i programu.
- (2) Kada se kod integrisanog studija i trećeg ciklusa studija medicine, veterine, stomatologije i farmacije te drugog i trećeg ciklusa studija zdravstva, skraćenica akademske titule, stručnog ili naučnog zvanja koristi bez naznake stručne odnosno naučne oblasti i usmjerenja ukoliko postoji shodno nastavnom planu i programu stavlja se ispred imena i prezimena lica koje ga je steklo.
- (3) Kada se kod integrisanog studija i trećeg ciklusa studija medicine, veterine, stomatologije i farmacije te drugog i trećeg ciklusa studija zdravstva, skraćenica akademske titule, stručnog ili naučnog zvanja koristi sa naznakom stručne odnosno naučne oblasti i usmjerenja ukoliko postoji shodno nastavnom planu i programu stavlja se iza imena i prezimena lica koje ga je steklo.
- (4) Akademska titula i stručno zvanje nakon završenog prvog ciklusa studija zdravstva stavlja se iza imena i prezimena lica koje ga je steklo sa naznakom stručne oblasti i usmjerenja ukoliko postoji shodno nastavnom planu i programu.

**Član 6.**

(Spisak akademskih titula, naučnih i stručnih zvanja)

Akademske titule, stručna i naučna zvanja koja se mogu sticati na području Kantona Sarajevo za studij medicine, veterine, stomatologije, farmacije i zdravstva sadržane su u Spisku akademskih titula, naučnih i stručnih zvanja koja se mogu sticati na području Kantona Sarajevo za studij medicine, veterine, stomatologije, farmacije i zdravstva, koji je sastavni dio ovog Pravilnika.

**Član 7.**

(Ravnopravnost)

Terminološko korištenje muškog ili ženskog roda u ovom Pravilniku podrazumijeva uključivanje oba roda.

**Član 8.**

(Stupanje na snagu)

Ovaj Pravilnik stupa na snagu danom donošenja i objavit će se u "Službenim novinama Kantona Sarajevo".

Broj 11-02-38-29795-1/14  
17. decembra 2014. godine  
Sarajevo

Za ministra  
**Ljiljana Prečec, s. r.**

**SPISAK  
AKADEMSKIH TITULA, STRUČNIH I NAUČNIH ZVANJA  
KOJA SE MOGU STICATI NA PODRUČJU KANTONA SARAJEVO  
ZA STUDIJ MEDICINE, VETERINE, STOMATOLOGIJE, FARMACIJE I ZDRAVSTVA**

Redni broj	VISOKOŠKOLSKA USTANOVA - ORGANIZACIONA JEDINICA	Predviđeno trajanje ciklusa studija	AKADEMSKA TITULA, STRUČNO I NAUČNO ZVANJE			
			ECT(S)	Nakon završenog integrisanog studija	ECT(S)	Nakon završenog trećeg ciklusa studija
1.	UNIVERZITET U SARAJEVU - FARMACEUTSKI FAKULTET	5 (I+II) + 3	300		180	Doktor farmaceutskih nauka
2.	UNIVERZITET U SARAJEVU - MEDICINSKI FAKULTET	6 (I+II) + 3	360	Magistar farmacije	180	Doktor medicinskih nauka
3.	UNIVERZITET U SARAJEVU - STOMATOLOŠKI FAKULTET SA KLINIKAMA	6 (I+II) + 3	360	Doktor dentalne medicine	180	Doktor stomatoloških nauka
4.	UNIVERZITET U SARAJEVU - VETERINARSKI FAKULTET	5 (I+II) + 3	300	Doktor veterinarske medicine	180	Doktor veterinarskih nauka

5.	UNIVERZITET SARAJEVSKA ŠKOLA ZA NAUKU I TEHNOLOGIJU – MEDICINSKI FAKULTET	6 (I+II)	360	Doktor medicine		
	VISOKOŠKOLSKA USTANOVA - ORGANIZACIONA JEDINICA	Predviđeno trajanje ciklusa studija	ECT(S)	Nakon završenog prvog ciklusa studija	ECT(S)	Nakon završenog drugog ciklusa studija
6.	UNIVERZITET U SARAJEVU - FAKULTET ZDRAVSTVENIH STUDIJ	4 +1 +3	240	60 *	180	Doktor zdravstvenih nauka
	Studij fizikalne terapije			Bakalaureat/Bachelor fizikalne terapije	Magistar fizikalne terapije	
	Studij laboratorijskih tehnologija			Bakalaureat/Bachelor laboratorijskih tehnologija	Magistar laboratorijskih tehnologija	
	Studij radioloških tehnologija			Bakalaureat/Bachelor radioloških tehnologija	Magistar radioloških tehnologija	
	Studij zdravstva i ekologije			Bakalaureat/Bachelor zdravstva i ekologije	Magistar zdravstva i ekologije	
	Studij zdravstvene njege i terapije			Bakalaureat/Bachelor zdravstvene njege i terapije	Magistar zdravstvene njege i terapije	

